

die Mandel ab / man nimbt auch Zucker darzu so
süß mans haben will / darnach nimbt man Oblat/
vnd schneid Lezelt viereckig / vnd streicht auff vnd
oben ein Wasser: Eyß / vnd bachs fein schön.

Pasterial = Lezelt.

Auff ein Pfund Mandel / ein Pfund Zucker / die
Mandel klein gestossen / vnd den Zucker schön
gefähet / alsdann ein halbes Pfund Zucker dick ge-
läutert / vnd die gestossenen Mandel hinein / vnd ab-
trücknet / vnd abfühlen lassen / darnach mit dem
halben Pfund Zucker abknetten / vnd außgemacht /
vnd fein dün außgewalcken / vnd Lezelt: Mödel da-
ran gedruckt / vnd zwey Stund lassen stehen / da-
mit sie nicht auß einander rinnen.

Wie man die Grün = Pärl / oder Lezelt =
Lauber macht / oder was man will / von Pista-
ky = Taig.

Immen gestossene Mandel ein halb Pfund /
auch gefähten Zucker ein halb Pfund / nimbt
darvon ein Vierling Zucker vnder die Mandel / vnd
in einem Beck abtrücknet / alsdann nimbt den an-
dern Zucker zum trückern / vnd außmachen / auch ein
abgeflopffte Uyrklar darunter / vnd darmit abge-
macht / man macht den Taig mit Spinät / man
muß